



Kalaallit Nunaanni nappaammik kræftimik akiuiniarfik
Kræftens bekæmpelse i Grønland

Ukiumoortumik nalunaarut 2015



IMARISAI – INDHOLD

AALLAQQAASIUT / Forord	3
SIULERSUISUT / Bestyrelse	3 - 4
SIULERSUISUT ATAATSIMIINNERINI OQALUUSERISAT AALAJANGIUSSALLU / Indhold og beslutninger på bestyrelsesmøder	4 - 5
SIULERSUISUT NAAPILLUTIK ATAATSIMIINNERAT/ Bestyrelsens samling til møde	4 - 5
NUNA TAMAKKERLUGU KATERSUINIARNEQ / Landsindsamling	5 - 7
UKIUP SINNERANI ATAATSIMIINNERIT Bestyrelsesmøder resten af året	7 - 8 - 9
PISISMASUT ILAAT/Andre aktiviteter	7
QEQQANI OQALOQATIGINNITTARTUNIK PIKKORISSAANEQ Kursus for samtalepersoner i sydgrønland	8
DK-MI KRÆFTENS BEKÆMPELSE-P ATAATSIMIINNERANI PEQATAANEQ / Deltagelse på Kræftens Bekæmpelses landsmøde i DK	10
KALAALLIT PEQQISSARTUT ILLUANNIK SULEQATEQARNEQ / Samarbejde med det grønlandske Patienthjem	10
QUPPERSAKKAT SAQQUMMERSITASSAT Pjecer, der skal udgives	10
IMMIKKOORTORTAQARFIIT / Lokalforeninger	10 - 11
GRØNLANDSBANKIMIT TAPISSUT Donation fra Grønlandsbanken	11
ALLAFFIMMIORPUT/Vores kontorfuldmægtig	11
TAPISSUTIT LEGATIT/Legater	11
SIUNNERSUISARFILIORNISSAMIK SULIAQARNEQ Arbejdet med oprettelse af et Rådgivningshus/Livsrum	12 - 13



AALLAQQAASIUT

Matumuuna Neriuffiit Kattuffianni siulersuisut saqqummiuppaat ukiumut 2015-mut nalunaarusiaq ukiup ingerlanerani Neriuffiit Kattuffiata ingerlatsisimanera aammalu nammineq piumassuseq aallaavigalugu suliniarnerup ukiumi 2015-mi qanoq ingerlasimanera nalunaarutigineqassalluni.

Pisarnertut Neriuffiit Kattuffianni 2015-mi suliniarnerup pisimasoqarfiulluarpoq pingaarnarpaatullu immikkut taaneqassaaq nuannaarutigeqisatsinnik nuna tamakkerlugu katersuiniarnerisuaq KNR-TV aqqutigalugu martsimi ingerlanneqaqqimmat siorna katersuiniarnermi angusat tikingajallugit katersisoqarluni.

Katersuiniarnermi pingaarnertut siunniunneqarpoq aningaasat katersorneqartut siunnersuisarfiliornissamut atorineqassasut. Aningaasaateqarfik Real Dania aammalu Qallunaat Nunaanni Kræftens Bekæmpelse suleqatigalugit periarfissanik misissuineq 2015-mi ingerlanneqarpoq. Periarfissanik misissuineq siulleq ingerlanneqarpoq majimi Nuummi.

Misissueqqaarnermi nalunaarusiaq naammassivoq oktoberimi 2015.

Taanna tunngavigalugu Namminersorlutik Oqartussat arlaleriarlugit aammalu Kommuneqarfik Sermersooq ataasimeeqatigineqarsimapput. Ajornakusoorsimavoq illumut sananeqartussat pilersaarutigineqartumut ingerlatsinermi aningaasartuutissanik matussusiisinaanermik qulakkeerinninnissaq. Oqaloqatigisat ataasimeeqatigisallu tamarmik isumaqarput Siunnersuisarfissaq assut pisariaqartinneqassasoq, kisiannili sananissaanut aningaasaleeqataanissaq ulluinnarnilu ingerlatsinermut aningaasartuutissanut akileeqataarusunnermik qulakkerinnittoqarsinnaasimangilaq.

Ukiup 2015-p naanerani suliaq tassani unginngavoq ingerlariaqqinnissarluni siulersuisut 2016-mi imminnut naapillutik ataasimiinnissaanni aalajangiivigineqassalluni.

Neriuppugut ukiumut nalunaarusiamik nassitsiffigisartakkagut nalunaarusiamut pissarsilluarumaartut.

Immikkoortortaqarfiit saniatigut nalunaarusiaq makkununga nassiusuunneqassaaq:

Napparsimaveqarfinnut, suliffeqarfinnut suleqatigisartakkatsinnut, Peqqissutsimut Naalakkersuisoqarfimmumut, Kommuninut, politikikkut partiinut, inunnullu ataasiakkaanut.

Ukiuortoortumik nalunaarut ima ilusilerneqarpoq:

Ukiup ingerlanerani siulersuisut ataatsimiittarnerannit oqaluuserisat aalajangiussallu ilanngunneqartassapput ukiup ingerlanerani pisimasut tulleriiaarneri aallaavigalugit.

SIULERSUISUT

2013-mi ataatsimeersuarnermi aalajangiiffigineqarput ukiuni pingasuni tulliuuttuni suliniutissat anguniagassallu ilaatigut makkuusut

- Qaammarsaaniarnerup illoqarfikkutaartumik ingerlanneqarnerusariaqarpoq
- Anguniarneqassaaq Kræfti pillugu pilersaarummut ilaanissaq isummersoqataanissarluni.
- Makkua aamma: Neqoroortutinnik annertusaanissaq, suliniutinik saqqummiarnerunissaq, Qarasaasiakkut paasissutissanik aallersinnaaneq anguniarneqartariaqarpoq.
- Aningaasaqarnermut Inatsimmut ilanngunneqarnissaq kissaatigineqarpoq.
- Ilaasortat amerlisarneqarnissaat Neriuffik sikkernerulersillugu ersarinnerulersillugulu. Napparsimalernissaq utaqqineqassangilaq ilaasortaalerinissamik, SIK-tuut Neriuffik iliuuseqartariaqarpoq ilaasortaq kisimi legatimik tunineqarsinnaalerluni.
- Ukiuni tulliuuttuni pingasuni, Siunnersuisartoq sinerissami angalasussaq pilersinneqartariaqarpoq. Taassumalu pilersinnissaanut anigaasanik pissarsiortoqassaaq.

- Suliniartut allat nappaat kræfti pillugu katersuiniartartut eqqumaffigineqartariaqarput, Neriuffiullu ikinngutaasa Neriuffiup immikkoortorta qarfiata ataaniinnissaat tamatigut qulakkeerneqartariaqarpoq.

27.-28. April 2013-mi ataatsimeersuarnermi siulersuisunngortut sinniisussanngortullu marluk ukuupput:

Siulittaasoq: Sara J Brandt, Aasiaat

Siulittaasup tullia: Johanne Olsen, DK-miikkallartoq

Aningaaserisoq Kristine S. Gedionsen, Aasiaat

Siulersuisuni ilaasortaq: Johan Olsen, Aasiaat –Avannaani immikkoortorta qarfinni siunnersorti

Siulersuisuni ilaasortaq: Helga Zeeb, Qeqertarsuaq – Oqaloqatiginnittartuni siunnersorti

Siulersuisuni ilaasortaq: Rasmine Hansen, Qaqortoq-Kujataani immikkoortorta qarfinni siunnersorti

Siulersuisuni sinniisussat: Lukas Stephensen, Nanortalik – Nuka Petersen, Ilulissat



Saarliit: Nuka Petersen Helga Zeeb, Sara J. Brandt, Kristine S. Gedionsen, Rasmine Hansen, Johan Olsen,
Tunorliit: Casper Bisgård (Katersuiniarnermi ataqatigiissaarisoq, Lukas Stephensen
Johanne Olsen allami assimiippoq

SIULERSUISUT ATAATSIMIINNERI

Ukiumi 2015-mi siulersuisut tallimariarlutik oqarasuaatikkut ataatsimiipput imminnullu naapillutik Nuummi ataatsimiipput ataasiarlutik.

SIULERSUISUT ATAATSIMIINNERINI OQALUUSERISAT AALAJANGIUSSALLU

14. januar 2015:

- Nuna tamakkerlugu katersuiniarnissamat piareersaatit ingerlanneqarput:
 - *Immikkoortorta qarfiit katersuiniassapput februarip 7-ni. Ulloq marsip 7-ni Nuna Tamakkerlugu Katersuiniarnermut oqarasuaatikkut nalunaarutigineqarsinnaasunik.*
 - *Marsip 7-ni katersuiniarnermi biilimik eqqugassaqaasaq.*
 - *Nalunaarutigineqarpoq Nittartagaq nutaaq pilersinneqalermat katersuiniarnissaq sioqqullugu piareersimanissaa sulissutigineqarpoq atorluarnissaa siunnerfigalugu.*
 - *Katersuiniarnissamat tunngatillugu sanaartortitat sinneri Nuummuk tikipput.*
- Oqarasuaatikkut oqaloqatiginnittarfissaq TELE Greenland-miit akuerineqarpoq
- Quppersakkat nutaat avammuk saqqummiunneqarnissaat Qeqertarsuarmit pissasoq aaliangiunneqarpoq.

Siulersuisut imminnut naapillutik ataatsimiinnerminni makkua oqaluuseraat aalajangiullugillu: Ataatsimiinneq pivoq Nuummi Sisamngorneq 5 marts aamma tallimangorneq 6. marts 2015

Ilaatigut makku oqaluuserineqarput aalajangiiffigineqarlutillu:

- *Nuna tamakkerlugu katersuiniarnissamat tuniniagassatut pisanik Immikkoortortat pisiniarsinnaapput Kattuffimmut sanaartortitsinermi akit atorlugit.*
Immikkortortat tuniniaasinnaapput Pisiniarfinniit akinik minnerulaartitsisinnaaneq anguneqarsinnaavoq.
- *2014-mut ukiumoortumik nalunaarusiap oqaluuserinera aaqqissuuneralu ingerlanneqarpoq.*
- *Quppersakkat kingulliit naqitertitat tikipput nassiussuunneqarlutillu.*
- *Quppersagaq meeqqanut atugassiaq Inerisaavimmut tunniunneqarpoq.*
- *Allaffimmi atortorissaarutit nutarterneqarput, Nuna Fonden-p tapiineratigut.*

Sisamangorneq ulloq 05.03.15 Nal. 13:00 Neriuffiit Kattuffiat-ani Siulersuisut Sinniisussallu Naalackersuisoqarfimmut ataatsimiigiarput Inatsisartuni akuersissutigineqartoq Kræftimik Pilersaaarut/Kræftplan pillugu nassuiaaneqarlutik.

Neriuffik Nuuk sisamangorneq unnukkut naapinneqarput aallartinneranni isumagisassat eqqartorneqarlutik.

Aalajangiunneqarpoq una: Nuna Tamakkerlugu Ataatsimeersuarnissaq pissaaq 24-ani Juni tikilluni 25.26. ataatsimeersuarneq, 27. ullorsiorneq. 28.-ani angerlamut aallakaaneq.

Immikkoortortaqrifiit isumagisassaat Kattuffiup isumagisassai 2015 suliarineqarput.

- *Oqaloqatiginnittartut siunnersortaanit.*
Ukioq manna pikkorissaanissaq qeqqani ingerlanneqassaaq: Nuuk- Maniitsoq- Sisimiut
- *Immikkoortortaqrfinnut Avannaani Siunnersortaanit*
Siunniunneqarpoq avannaani Upernavik eqqaamiuinullu angalasoqarsinnaanera pisinnaasoqarpallu tunumi Tasiilaq siunniuffigineqarluni.
- *Eqqaasitsissutigineqaqqippoq Neriuffiit Kattuffiata inuit ataasiakkaat katersuiniunneq ajormagit taamatullu aamma Immikkoortortat ataasiakkaanut katersuiniartarnerat Kattuffiup Malittarisassaniingimmat eqqaasitsissutigineqaqqippoq.*



NUNA TAMAKKERLUGU KATERSUINIARNEQ

Ukiup 2013-p naalernerani siulersuisuni aalajangiunneqarpoq Qallunaat Nunaanni suliffeqarfik Lyngø-Olsen reklame og kommunikation isumaqatigiissuteqarfigineqassaq 2014-mi nuna tamakkerlugu katersuiniarnissap piareersarnerani ingerlanneranilu suleqatigineqarnissaa.

Taanna suliffeqarfik aamma 2015-mi suleqatigalugu Nuna Tamakkerlugu katersuiniarneq ingerlanneqarpoq

Nummi Ilisimatusarfimmi ingerlanneqarpoq arfininngornermi marsip arfineq aappaanni 2015.

Suleqataalluartoq Casper Bisgård immikkut qutsivigaarput, suliarujussuaq taama ajunngitsigisumik uagutsinnullu nuannaarutaatigisumik naammasilluarmagu.

Unnummi katersuiniarfimmiit assit ilaat:



SMS-kkut katersuiniarnermi eqqugassat makkuupput:

Nuuk's Automiit biilit – Sweet Homemimiit siniffik – Elplusimiit errorsivik panersiivillu


Taakkua katillugit **1.186.475,- kr** –nik isertitsissutaasimapput.

Tunisisunut qujanarujussuaq.

Unnuk naammassimmat aningaasat katersorneqartut:



Unnummi Knr-TV-miit ingerlatseqataapput Apollo Jeremiassen aamma Heide Møller



2015-mi katersuiniarnermi unnuup katersuiniarfissap tungaanut immikkoortortaqaarfinni, illoqarfinni nunaqarfinnilu Avannaani Kujataani allatigullu katersuiniarnerit ima isertitsiviusimapput unnummi katersuiniarfiusumi oqarasuaatikkut Nuummilu nammineq takkunnikkut nalunaarutigineqartartunik, sanilliullugillu siorna 2014-mi isertitat ilanngunneqarput:

Sumi	2014	2015
Immikkoortortaqaarfinniit:		
Nanortalimmiit Siorapalummot	371.279,- kr	401.924,- kr
KNR-TV-kut katersuiniarneq	1.106.250,- kr	773.819,- kr
Oqarasuaatikkut sms-kkut	505.000,- kr	1.186.475,- kr
Atortunik tuniniaaneq	887.264,- kr	14.481,- kr
Isertitat		
Katillugit	2.869.793,- kr	2.376.699,- kr.
Aningaasartuutit	1.053.639,- kr	724.631,- kr
Aningaasartuutit %-mngorlugit	36 %	30%
Iluanaarutit	1.816.154,- kr	1.652.068,- kr

Maluginiagassaavoq unnummi katersuiniarfiusumi isertitatut nalunaarutit katersuiniarnermilu naatsorsuutit naammas-sineranni isertitat assigiinngitsuusut. Tamanna ilaatigut pissuteqarpoq oqarasuaatikkut katersinermi (Call Centerimut) sianernermi tapiissutissatut neriorsuutit ilaasa ajuusaarnartumik bankimut ikineqartarsimannginneri. Unnummi katersuiniarfiusumi soorunami aningaasartuutit aamma amerlapput kisiannili siorna katersuiniarnermiit annikinnerusut takuneqarsinnaavoq. Taamatut ilusilikkamik katersuiniartarneq pinngitsoorani aningaasartuutitaqar-tarpoq taakkulu nalunaarsorneri naatsorsuutiniippat kukkunersiusutsinnit Deloittikkunnit kukkunersiorneqarsimasunit.

Sapaammi naliliineq martsip 8-ni naliliineq ingerlanneqarmat ukiumut tullermut katersuiniaraqissinnaaneq isumaqatigiissutigineqarpoq.

Nuna tamakkerlugu katersuiniareernerup kingorna PISIMASUT ILAAT

Quppersakkat nutaat avammut saqqummiunneqarneri:

Quppersakkat Neriuffiit Kattuffianniit nutsertitat ilusilersortitat naqitertitallu kingulliit sisamat avammut saqqum-miunneqarput Qeqertarsuarmi Neriuffimmiit. Qujavugut Helga Zeebimut saqqummiunnissaat isumagimmagu. Neri-uffiit Kattuffiata allaffianut paasiniaasoqarsinnaavoq qanoq pissarsiarineqarsinnaanersut.

Ukuuppullu:

Aqajaqqup sanilequtaani kræfteqarneq - Kræft i bugspytkirtlen

Aakkut kræfteqarneq

Tingummi kræfteqarneq

Qilerut kipineqarpat - Aliasunneq pillugu - Meeqqat atuarfianni 3-4-5. klasseni atugassiaq.

14. APRIL

Tele Greenland ilaatigut aningaasaliisoralugu oqarasuaatikkut siunnersuisarfik sianerfigineqarsinnaangorpoq.

Normu 145 - Ammasarpoq pingasunngornerit tamaasa nal 18.30-mit 20.30-mut. Sianerneq akeqanngilaq Quppersagaq paasissutissanik imalik agguanneqarpoq

Siulittaasoq siulittaasullu tullia Kræftens Bekæmpelsep ataatsimeersuarnerani peqataapput (Repræsentskabsmøde 2015) peqataanikuummata, tassaniilu ataatsimeersuarnermi peqataanerme eqqartorneqarsimasut ilagivaat Nunanut allanut katsorsartikkiartortarneq, ulloq manna tikillugu takussutissaqarsimanngilaq annerusumik iluaqutaasoq. Sulilu innersuunneqarsinnaanani.

Aammalu angutit annertuumik eqqartorneqarsimapput annerusumik DK-mi najungallit pillugit.

3 JUNI

Nuna Tamakkerlugu Katersuiniarnermiit SMS-kut aningaasat katillugit Kr. 1.153.875,00 Neriuffimmut tunniunneqarput.

Siulittaasup tullianit Johanne Olsenimit nassuiaaffigineqarpoq siunnersuisarfiliornissamik misissuisut DK-mi Kræftens Bekæmpelsep siunnersuisarfii Livsrøm-inik taaguutillit isumassarsiorfigineqarsimaneri aammalu Real Daniap aningaasaligaanik misissuisitat Bygningsarv-mik taaguutillit nalunaarusiortussaasut. Suliaq annertummat suli aaliangiisoqanngilaq ilumut siunnersuisarfik pinngortinneqarsinnaanersoq, suli aningaasaliisussanik allanik ujartuisoqarmat.

Neriuffiit Kattuffiata Malittarisassaani ersippoq Nunaqarfiit Illoqarfimminnut atasuusut. Taamaattoq ersarissaammik siulittaasoq sanassaaq nunaqarfimmit ilaasortannorniartut illoqarfimmut ilaasortannorniarnermiini kimut attaveqarsinaaneri. Illoqarfittaasut ingerlanerliorpata nunaqarfimmini ilaasortannortitsisinnaapput, taamaattoq Kattuffimmut apuussisariaqassallutik.

Ukiaanerani siulersuisut ataatsimiittarneri ulluni ukunani ingerlaqqipput:

10. SEPTEMBER 2015:

- ✚ *Ataqqinartorsuit Dronningikkut Nuummiinneranut atatillugu qaaqquissummik Neriuffiit Kattuffiat pissarsivoq. Allaffimioq qaaqquissummut aggerpoq.*
- ✚ *Oqaloqatiginnittartut pikkorissarnissaanut Tips Og Lotto-miit aningaasat kr. 63.845,50 pissarsiarineqarput.*
- ✚ *Siulittaasup tullia Johanne Olsen DK-mi ukiut marluk najugaqareerluni Nuummur uterpoq.*
- ✚ *Deloitte-kunnit tunniunneqarput Nuna tamakkerlugu katersuiniarnerup naatsorsuutai 2015*
- ✚ *Nalunaarutigineqarpoq ukioq manna immikkoortortat tamangajalluinnarmik Kattuffimmut akiliinikuusut, Upernavik kisimi unittoorallarnikoq pinnanni.*
- ✚ *Avannaani Immikkoortortanik siunnersorti angalaqqissaaq Kangaatsiamut, aammalu kingorna Upernavik eqqarsaatigineqassalluni*
- ✚ *Allaffimioq nalunaarpoq ukiup naanerani Kattuffiup allaffianiit soraassaluni.*

QEQQANI OQALOQATIGINNITTARTUNIK PIKKORISSAANEQ

Neriuffimmi Oqaloqatiginnittartut Qeqqani pikkorissartinneqarput Nuummi ulluni: 11.sept.-13.sept.

Pikkorissaasoralungu Tarnip pissusaanik immikkut ilisimasalik: Inuk L.B.N.

Assit inuttai:

Inuk L. Bourup Nielsen Pikkorissaasoq - Helga Zeeb Neriuffimmi oqaloqatiginnitt. Siunnersorti - Agnes Johnsen, Sisimiut - Jørgen Benjaminsen Nuuk - Ane Poulsen Atammik - Ludvig Fleisher Palasi Uummannaq - Birte Kielsen Nuuk - Jensine Villadsen Kangaamiut - Elisabeth L. Hansen Maniitsoq Salomine F. Nielsen Nuuk




Pikkorissartut tamarmik uppennarsaammik tunineqarput.

Siulersuisut oqarasuaatikkut ataatsimiinnerannit oqaluuserisat aalajangiussallu ingerlaqqipput:

15. OKTOBER 2015:

- ✚ *Kræftimik Pilersaarut aallaavigalugu DIH-mi kræfteqartunik timigissaanerup aallartisarnerani Neriuffik suleqatisigineqarpoq.*
- ✚ *Siunnersuisarfimmik pilersitsiniarnermut atasumik misissuinernut nalunaarusiaq Kattuffimmut nassiuunneqarpoq. Annertungaatsiarpoq qanorlu pineqarnissaa suli aalajangiunneqanngilaq.*
- ✚ *Nuna Fonden-miit aningaasanik pissarsivugut allaffimmi atortussanut nutaanik.*
- ✚ *Immikkoortortaqaarfinni siunnersorti Johan Olsen maannakkut Upernavimmiippoq Neriuffik Upernavik tapersersoriartorlugu.*
- ✚ *Katersuiniarnermi naatsorsuutit akuersissutigineqarput politeeqarfimmullu nalunaarutigineqas-sapput. Nalunaarutigineqarpoq ukiut tamaasa ajornartorsiut Bingortitsinermi immersukkat ilanngunneqarneq ajorneri Deloitte-kut taasimammattigit eqqaasissutigineqarpoq. Tamannalu tusaatissatuut tiguneqarluni.*
- ✚ *Støt Brysterne ukiut tamaasa Kræftens Bekæmpelse suleqatigalugu Dk-mi ingerlanneqartartoq aamma nalinginnaajartorpoq Nunatsinni ingerlanneqartarnera, tassami aamma Nunatsinni ivi-angikkut kræfteqalersarneq annertuumik atuummat, suliniarneq kusanartorpoq tapersersorneqarpoq Zumbamik takutitsilerunik ulloq 31.Oktober atugassaannik, pigisanillu tuniniaaneq ingerlanneqassalluni.*



Zumbartitsisoq

Tuniniaasoq Salomine

Tuniniaasoq Johanne

- ✚ *Siunnersuisarfiliorniarnermut suliniarnermi nalunaarusiaq nassuiarneqarpoq immikkullu siulittaasooq siulittaasullu tullia siulersuisunit pisinaatinneqarput suliap ingerlaqqinnissaanut suliqarsinnaasut kingusinnerusukkat uterfigeqqinneqartussanik.*
- ✚ *Siunnersorti Avannaa Upernavimmiissimavoq, taavanilu immikkoortortaqaarfiup aallarteqqinnissaa sularineqarpoq. Kangaatsiamut angalaneq aamma paasissutigineqarpoq. Tulliani angalanissaaq Tasiilamut misissuataarneqarpoq.*

Oqarasuaat 145, atuutilerneraniilli ulloq manna tikillugu inuk ataaseq kisimi sianernikuuvoq.

19. NOVEMBER 2015:

- ✚ *Immikkoortortaqaarfinni siunnersorti Johan Olsen Tasiilamut angalavoq Tasiilami immikkoortortaqaarfimmik aallartisaajartorluni.*
- ✚ *Quppersagaaraq Iviangikkut kræfti kingornunneqarsinnaava? naqiterneqareerluni naammas-sivoq, allaffimmullu piniarneqarsinnaalluni.*
- ✚ *Kingullermik siulersuisut oqarasuaatikkut ataatsimiimmata ilanngutinngitsoorsimasaq: Juul-limut pilluaqqussut, allaffimmiit isumagineqarpoq.*

Taakkuupput ukiup 2015-p ingerlanerani siulersuisut ataatsimiinnerminni oqaluuserisimasaasa aalajangiiffisimasaasalu ilaat. Atuarneqarsinnaasutut ukiup ingerlanerani saaffiginnissutit aalajangiiffisassallu ikittuinnaasimangillat siulersuisunilu sulineq imaqarluarsimalluni.

Ataani ukiup ingerlanerani pisimasut ingerlaavartitallu immikkut nalunaarusiarineqarput assitalertarlugit.



DK-MI KRÆFTENS BEKÆMPELSE-P ATAATSIMIINNERANI PEQATAANEQ

Ukiut tamaasa pisarnertut DK-mi Kræftens Bekæmpelse-p ataatsimmersuarnissaminut Neriuffiit Kattuffiannit peqataasussamik ataatsimik qaaqquivoq. Ukioq manna siulittaasup tulliata DK-mi najugaqarallarnera iluatsillugu ataatsimiinnermi peqataatinneqarpoq, qujanartuuvorlu peqataatinneqartarneq suliniarnerup sunik qanorlu ingerlanneqarnera annertuumik paasisaqarfiusarmat.

Peqataanermi imaqarniliamit tigulaakkat:

Ataatsimiigiarnermut atatillugu kalaallit peqqissartut angerlarsimaffianni ataatsimiisitsinissaq pisinnaasimangilaq angerlarsimaffimmi sulisut ulappunnerat nalerorneqarmat.

KALAALLIT PEQQISSARTUT DK-MI ILLUANNIK SULEQATEQARNEQ

Kalaallit Peqqissartut Illuat, Omøgademiittoq Københavnimi Neriuffiit Kattuffianniit qanimut suleqatigineqarpoq pingaartumik Kræftemik nappaateqalersut Kalaallit Peqqissartut Illuanni najugaqartut tapiisummik legatimik, qinnuteqarnerisigut tunineqartarnerisigullu. Neriuffiit Kattuffianni allaffiup, Kalaalliit Peqqissartut Illuannilu inunnik isumaginninnermik atorfilik toqqaannartumik attaveqatigiittarput.

Quppersakkat 2015-mi suliarineqartut 2016-p aallartinnerani saqqummersitassat:

Siulersuisut ataatiimiittarnerni aalajangiunneqarpoq kræfteqariaatsit pingartumik angutit nalaattagaat pillugit quppersakkat ukioq manna saqqummersinneqassasut. Tamaammat isumaqatigiissutigineqarpoq ukua angutit kræfteqariaasaat pillugit quppersakkat saqqummersinneqassaasut:

Qinerseq nakasuup paavani kræfteqarnej – Prostata kræft

Issukut kræfteqarnej – Testikelkræft

Usukut kræfteqarnej – Kræft i penis

Taakkua saniatigut saqqummersinneqassapput ukua:

Nakasummi kræfteqarnej – Kræft i urinblæren

Qingakkut aamma kiinnap saarnani qarajakkut kræfteqarnej – Næse- og bihulekræft

2014-mi quppersakkanik DK-mi ilusilersuisoqarpoq, ukioq mannili Kalaallit Nunaanni nutaamik ilusilersuisussarsiortoqarpoq 2015-nillu naalernerani nutserneri naammassimmata 2016-p aallartinnerani ilusilersorneri ingerlanneqarput.

IMMIKKOORTORTAQARFIIT

2015-p aallartinnerani Nuummi Neriuffik ukiut arlallit uninnganikuulluni nuannaarutigisatsinnik aallarteqqinneqarpoq Kattuffimmi immikkoortortaqarfinnut siunnersortip Johan Olsenip suleqataanera aallaavigalugu.

Immikkoortortaqarfinni siunnersorti aammattaaq Upernaviliarpoq Upernavimmi Neriuffik uninngasoq aallarteqqikkiartorlugu. Massakkut aallarteqqippoq ingerlalluarlunilu.

Immikkoortortaqarfinni siunnersorti aammattaaq ukiariaani Tasiilaliarpoq Neriuffimmik immikkoortotaqalernissaa sulissutigalugu. Soqutiginnittoqaraluartoq sulii aallartissimangillat. S

Inuit ataasiakkaat Neriuffimmut ilaasortaasarput immikkoortortaqarfiit aqutigalugit. Ilaasortaanermik akiliutit immikkoortortaqarfiit namminneq aningaasanik kaaviaartitaminni ingerlataat. Kattuffiup ataatsimeersuarnerani aalajangerneqartarpoq ilaasortaanermi akiliut qanoq atsigissanersoq, ataatsimeersuarnermilu kingullermi aalajangiunneqarpoq ukiumut 50,- kr ilaasortaanermut akiliutaasassasoq, immikkoortortaqarfiillu Kattuffimmut ilaasortaanermi 1.800,- kr-nik akiliisassasut.

Immikkoortorta qarfiit arlallit aningaasaateeqarfeqarput immikkoortorta qarfiup ataani inissisimasunik ilaqutaasut angalaqataanissaannut qinnuteqarfiusinnaasoq. Ukiuni arlalinni ingerlatsisimasoq Neriuffik Aasiaat paasiniaaffigineqarsinnaavoq.

Ukiumoortumik immikkoortorta qarfinni siulittaasut oqarasuaatikkut ataatsimeeqatigineqartarput Avannaa Kujataalu immikkoortillugit.

Immikkoortorta qarfiit ukiup ingerlanerani assigiinngitsunik najugaqarfimminni pisoqartitsisarput ingerlatsillutillu:

Pingaarnertut ingerlanneqartartup ukiumoortumik nuna tamakkerlugu katersuiniarnermut peqataanerup saniatigut ilaatigut makku ingerlanneqartarput:

Ikumatitalisarluni ingerlaaqatigiinneq – nappaateqartunik naapeqatigiissitsineq – oqallitsitsineq - Kulturimik unnussi- ornermi peqataaneq – najugaqarfimmi paasisitsiniaaneq – peqqissaaveqarfimmi ataatsimeeqateqarnerit il.il.

GRØNLANDSBANKIMIT TAPIISSUT

Decemberip aallartinnerani Grønlandsbanki Kattuffimmut 25.000,- kr –nik tapiissuteqarpoq juullimut pilluaqqusutiliornissaraluaminnut taarsiullugit aningaasat tapiissutitut tunniummatigut.



ALLAFFIMMIORPUT

Neriuffiit Kattuffianni allaffimmiorput Juliane Dalager Berthelsen ukiuni qulini sullissimavaatigut. Tamanna malunnartinneqarpoq sisamanngornermi 19.nov.15. Sullissilluarsimaneraniq qujassuteqarpugut tunissuteqarfialugulu. Sunut tamanut qujanaq

Aamma ukiup 2015-p naanerani atorfimminiit soraarpoq, aammalu ialsseqatigiinermi inuulluaqqarput sullisilluarsimaneraniq qutsavigalugu.



TAPIISSUTIT LEGATIT

Tapiissutit LEGAT-t tunniunneqartut takussutissiarineri illoqarfikkaartumik- Nunatsinnilu kræfteqariaatsit suunerisa takussutissiarineri ukiumoortumik nalunaarsorneqartarput.

2015-imi tunniunneqarsimapput:

Siullermemik kræfteqarlernerimi tapiissutit 124-t, nalingi:	372.000,- kr
Aappasaanik kræfteqalerenermi tapiissutit 15-it, nalingi:	45.000,- kr
Meeqqanut marlunnut, nalingi:	<u>9.000,- kr</u>
Tamaasa katillugit:	426.000,- kr


Kræfteqariaatsit qassit sumi nappaataanersut ”lagkage”-nngorlugit nalunaarsorneri immikkut ilanngunneqartut misissorneqarsinnaapput. - **Takuuk ilanngussa.**

2015-MI SULINIUT INGERLANNEQARTOQ: SIUNNERSUISARFILIORNISSAQ – LIVSRUM


Siunnersuisarfiliornissamik suliaq aallartippoq 2014-mi Qallunaat Nunaanni Kræftens Bekæmpelsep suleqatiginissaa Neriuffiit Kattuffianni siulersuisut akuersissutigimmassuk. Suliniummi ingerlatsisooqataapput Kattuffiup siulittaasua Sara J. Brandt aammalu siulittaasup tullia Johanne Olsen. Suliap ingerlanneqarnerani taakkua siulersuisunit pisinnaatitaaffilerneqarput ingerlatsinissamut siulersuisullu ataatsimiinneranni nalunaaruteqartarnissaannik. 2014-mi Qallunaat Nunaanni aningaasaateqarfiup Real Daniap aningaasaliissutigai 400.000,- kr siunnersuisarfiliornissaanermut misissueqqaarnermut atugassatut.

Misissueqqaarneq ingerlanneqarpoq 2015-p upernariartorneqarni. Misissueqqaarnermik ingerlatsisussatut toqqarneqarput suliffik Bygningsarv. Siullermik Nuuliartoqarpoq Kræftens Bekæmpelsemi suleqatigisagut marluk, Real Daniameersoq, Kattuffiup siulittaasua Sara J. Brandt aammalu Kattuffiup siulittaasuata tullia Johanne Olsen periarfissanik misissuiartorput attuumassuteqarsinnaasullu oqaloqatigisarlugit ataatsimeeqatigisarlugillu.

Aappasaanik Nuuliartup Bygningsarvimeersut marluk aammalu Kattuffimmi siulittaasup tullia. Aammattaq periarfissat misissorneqarput, politikerit oqaloqatigineqarput, napparsimaveqarfimmiut oqaloqatigineqarput nalunaarusiornerlu aallartinneqarluni. Aasap kingorna Kattuffimmi siulittaasup tullia Nuummut najugaqaqqilernermini paasiniagassat kingulliit paasiniarpai.



Nalunaarusiaq ateqartinneqartoq ”Et livsrum i Grønland” naammassivoq oktberimi qinnuteqaatitullu nassiunneqarluni Peqqissutsimut Naalakkersuisoqarfimmut Kommunenut tamanut allanullu aningaasaleeqataasinnaasussanut.



Nalunaarusiaq sukumiisoq imartoorlu ilaatigut makkuninnga misissueqqaarnermi imaqqarpoq:

Tunuliaqut – Siunertaq – Inerniliineq – SWOT atorlugu misissuineq – Innersuussutit sukumiinerusut – inuiaqatigiit allaaserineri – angallannermi periafissat – Kalaallit Nunaanni ernumanartumik nappaateqarneq – Kalaallit Nunaanni Peqqinnissaqarfiup siunnerfii pilersaarutaalu – Sooq siunnersuisarfik? – Qanoq siunnersuisarfik? – Siunnersuisarfiup tunngavissai – sullinniakkat – Sammisassat neqeroorutissallu – Siunnersuisarfik kikkunnet pingaaruteqassava? – Siunnersuisarfiup ingerlanera, pisatsersornera angissusaalu – Sumiiffissaa – Inissisimaffissaqqissoq – Ingerlatsineri aqqissuussineq – Ingerlatsineri aningaasartuutit – Sanaartornermi aningaasartuutit – Kikkut oqaloqatigineqarsimanersut kiisalu kikkut misissuineri aqutsisuusimanersut.

- Nalunaarusiaq ilanngullugu qinnuteqaatit nassiusuunneqareermata siullermik ataatsimeeqatigineqarput Inatsisartuni Isumaginninnermut ataatsimiittitaliaq. Tassani ataatsimiinnermi peqataapput Johanne Olsen aammalu Nuummi Neriuffimmi siulittaasoq Birte Kielsen aamma allatsi Jørgen Benjaminsen.
- Aappassaanik ataatsimeeqatigineqarpoq Kommuneqarfik Sermersuumi Borgmesteri Asii Chemnitz Narup. Tassani ataatsimiinnermi Johanne Olsen aamma Birte Kielsen peqataapput.
- Pingajussaanik ataatsimeeqatigineqarput Peqqissutsimut Naalakkersuisoqarfimmi inatsisartunut siunnersortaasoq, Dr. Ingridillu Napparsimavissuani aqutsisuniittut pingasut. Tassani oqarasuaatikkut peqataasussaagaluartoq Kattuffimmi siulittaasoq Sara J. Brandt teknikkikkut akornutit pissutigalugit peqataangilaq. Peqatavoq Johanne Olsen aammalu oqarasuaatikkut Kræftens Bekæmpelsemi suleqaterput ataaseq.

Ataatsimiinnerni tamani isumaqatigiissutigineqartarpoq Siunnersuisarfik Kalaallit Nunaanni atorfissaqartinneqassaqisoq, aporfijuuaannarporli taaneqartuarluni aningaasaateqannginneq, aningaasaleeqataanissamillu tunuarsimaarneq.

Suliaq tassaniikkallarpoq neriulluarpugulli 2016-mi ukiunilu tulluuttuni pimoorullugu piviusunngortinniarnissaa pisinnaassasoq.

Ukiumoortumik nalunaarummik suliarinnittoq Johanne Olsen
Assit: Facebookimi: Neriuffiit Kattuffiat, Stop Kræften aammalu
Johanne Olsen



NERIUFFIIT KATUFFIAT

Nappaammik kræftemik akiuniarfik –

Kræftens bekæmpelse i Grønland

Imaneq 41

Box 1546, 3900 Nuuk – Mobil 49 04 89 – Fax 31 25 04

Mail: neriuffik@greenet.gl

Nittartagaq: www.neriuffik.gl

Allaffik nalinginnaasumik suliffiup iluani ammasarpoq.